

Sa tevhidom se otklanjaju brige i tuge, i  
brišu se kazne, a sa njegovim  
ostvarenjem postiže se uputa i sigurnost  
na ovom svijetu i ahiretu, rob biva  
spašen od vječnosti u vatri, i s njim se  
postiže šefa'at od odabranog  
Vjerovjesnika, Mustafe, sallallahu 'alejhi  
ve sellem.

# Važnost tevhida

Šejh Ahmed ibn Umar El-Hazimi

# Hutba

## Važnost tevhida

Uistinu, sva hvala pripada samo Allahu, samo Njega hvalimo i samo od Njega pomoći i oprosta tražimo. Tražimo kod Allaha zaštitu od zla naših duša i zlih posljedica naših djela. Koga Allah uputi nema nikog ko će ga u zabludu odvesti a koga u zabludu odvede za njega nema upućivača.

Svjedočim da nema nikog istinski zaslužnog obožavanja osim Allaha, Jednog, Jedinog, Koji nema sudruga, i svjedočim da je naš vjerovjesnik, Muhammed, Allahov rob i Njegov poslanik.

يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ

**O vi koji ste povjerovali, bojte se Allaha bogobojažnošću koju zaslužuje i ne umirite osim kao muslimani!** (Prijevod značenja, sura Alu 'Imran, 3:102)

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا

**O ljudi, bojte se Gospodara svoga, Koji vas je stvorio od jednog čovjeka a od njega je i drugu njegovu stvorio, i od njih dvoje mnoge muškarce i žene rasijao. I Allaha se bojte Čijim imenom jedni od drugih tražite, i čuvajte se kidanja rodbinskih veza, jer Allah, zaista, stalno nad vama bdi.** (Prijevod značenja, sura En-Nisa', 4:1)

يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا \* يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا

**O vi koji ste povjerovali, bojte se Allaha i govorite samo istinu. On će dati da vaša djela budu ispravna i oprostiti vam vaše grijehе. Onaj koji se pokori Allahu i Njegovom Poslaniku će sigurno postići veliki uspjeh.** (Prijevod značenja, sura El-Ahzab, 33:70.-71)

A potom:

Uistinu, najljepši govor je Allahova Knjiga a najbolja uputa je uputa Muhammeda, sallallahu 'alejhi ve sellem. Najgore stvari su one koje su inovirane, svaka inovacija je novotarija, a svaka novotarija je zabluda.

O muslimani!

Kada se spomenu Allahove blagodati i nabroje, od najvećih i najboljih je tevhid Allaha Uzvišenog i izdvajanje Njega u 'ibadetu. Ovo je blagodat od koje nema veće niti potpunije. Ovo je blagodat pred kojom se smanjuju sve (ostale) blagodati, i blagostanje koje, kada ga neko izgubi, spuste mu se kazne. On (tevhid) je hikmet (mudrost) stvaranja džinna i ljudi, s njim (sa tevhidom) su poslati poslanici, spuštene knjige, i zbog njega su postavljene vage, postavljene knjige, uzdignuto je tržište Dženneta i Vatre, podijeljena su stvorenja na vjernike i nevjernike, od njega zavisi nagrada ili kazna, zbog njega je postavljena Kibla, utemeljen millet (vjera), zbog njega su isukane sablje džihada, a on (tevhid) je Allahovo pravo kod svih Njegovih robova.

Rekao je Uzvišeni:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ

**“Nisam stvorio džinne ni ljude (ni zbog čega drugog), osim da mi čine 'ibadet.”** (Prijevod značenja, sura Ez-Zarijat, 51:56)

I rekao je, subhāneh:

الرَّكَابُ أَحْكَمْتُ آيَاتُهُ ثُمَّ فُصِّلْتُ مِنْ لَدُنْ حَكِيمٍ خَبِيرٍ \* أَلَّا تَعْبُدُوا إِلَّا اللَّهَ إِنِّي لَكُمْ مِّنْهُ نَذِيرٌ وَبَشِيرٌ

**“Knjiga - učinjeni su presudnim ajeti njeni, zatim razjašnjeni od Mudrog, Obaviještenog: da nikoga osim Allaha ne obožavate, uistinu, ja sam vam od Njega opominjač i donosilac radosnih vijesti.”** (Prijevod značenja, sura Hud, 11:1.-2)

Sa tevhidom se otklanjaju brige i tuge, i brišu se kazne, a sa njegovim ostvarenjem postiže se uputa i sigurnost na ovom svijetu i ahiretu, rob biva spašen od vječnosti u vatri, i s njim se postiže šefa'at od odabranog Vjerovjesnika, Mustafe, sallallahu 'alejhi ve sellem.

Rekao je Allah Uzvišeni:

الَّذِينَ آمَنُوا وَلَمْ يَلْبِسُوا إِيمَانَهُمْ بِظُلْمٍ أُولَٰئِكَ هُمُ الْأَمَنُ وَهُمْ مُّهْتَدُونَ

**“Koji vjeruju i ne miješaju vjerovanje svoje sa zulumom (nepravdom), ti i takvi će imati sigurnost, a oni su upućeni.”** (Prijevod značenja, sura El-En'am, 6:82)

Rekao je, sallallahu 'alejhi ve sellem:

أسعد الناس بشفاعتي يوم القيامة من قال لا إله إلا الله خالصا من قلبه

**„Najsretniji čovjek mojim šefa'atom na Kijametskom danu biće onaj koji kaže la ilahe illallah čisto i iskreno iz srca.”<sup>1</sup>**

<sup>1</sup> Sahih al Buhari

Nema nijednog fadileta a da njegova osnova nije tevhid. Sa njim se robu olakšava činjenje dobrih djela i ostavljanje loših. On je vjerniku utjeha prilikom žalosti i musibeta. Sa njim malo djelo postaje veliko kod Allaha, tako da malo na vagi biva veliko. Sa njim musliman se oslobađa od robovanja stvorenjima, od povezanosti sa njima i od rada za njih, tako da sa ovim sve od njega (od muslimana) biva za Allaha Uzvišenog.

Ne nada se (od nikog drugog) osim od Njega, niti se boji nekog drugog osim Njega, niti se okreće (prema nekim drugim) osim prema Njemu, niti se oslanja osim na Njega. A sa ovim se upotpunjuje njegov spas, ostvaruje se njegov uspjeh, postiže ponos, pomoć i ugled, također postiže snagu, visok položaj i odbranu. Tevhid je, Allahovi robovi, početak da've poslanika (tj. prvo u šta su pozivali Op.prev.), prvi stepen tokom puta, prvo mjesto stajanja na kojem će stati rob koji putuje ka Allahu Uzvišenom.

Rekao je, subhāneh:

لَقَدْ أَرْسَلْنَا نُوحًا إِلَىٰ قَوْمِهِ فَقَالَ يَا قَوْمِ اعْبُدُوا اللَّهَ مَا لَكُمْ مِنِّ إِلَهٍ غَيْرُهُ

**"Doista smo poslali Nūha narodu njegovom, pa reče: O narode moj, Allaha obožavajte, vi drugog boga osim Njega nemate!"** (Prijevod značenja, sura El-E'araf, 7:59)

I Hūd je svom narodu rekao:

اعْبُدُوا اللَّهَ مَا لَكُمْ مِنِّ إِلَهٍ غَيْرُهُ

**"Allaha obožavajte, vi drugog boga osim Njega nemate!"** (Prijevod značenja, sura El-E'araf, 7:65)

I Salih je svom narodu rekao:

اعْبُدُوا اللَّهَ مَا لَكُمْ مِنِّ إِلَهٍ غَيْرُهُ

**"Allaha obožavajte, vi drugog boga osim Njega nemate!"** (Prijevod značenja, sura El-E'araf, 7:73)

I Šu'ajb je svom narodu rekao:

اعْبُدُوا اللَّهَ مَا لَكُمْ مِنِّ إِلَهٍ غَيْرُهُ

**"Allaha obožavajte, vi drugog boga osim Njega nemate!"** (Prijevod značenja, sura El-E'araf, 7:85)

I rekao je Uzvišeni:

**"Mi smo svakom narodu poslanika poslali: 'Allahu činite 'ibadet, a taguta se klonite!'"**

(Prijevod značenja, sura En-Nehl, 16:36.)

Stoga, tevhid je ključ poslaničke da've, zbog toga je Poslanik, sallallahu 'alejhi ve sellem, rekao svome izaslaniku Mu'azu ibni Džebel, radijallahu te'ala 'anh, onda kada ga je ispratio za Jemen; reče mu, sallallahu 'alejhi ve sellem:

لما بعث معاذًا إلى اليمن قال إنك تقدم على قوم أهل كتاب فليكن أول ما تدعوهم إليه عبادة الله عز وجل فإذا عرفوا الله فأخبرهم أن الله فرض عليهم خمس صلوات

***„Ti ćeš, uistinu, doći narodu od ehli-kitabija (sljedbenika prijašnjih knjiga), pa neka prvo čemu ćeš ih pozvati bude 'ibadet jedino Allahu, pa kada ti oni posvjedoče da nema nikoga dostojnog obožavanja osim Allaha i da je Muhammed Allahov Poslanik, tada ih obavjesti da im je Allah učinio obaveznim pet namaza u toku svakog dana i noći.”*** Pa je spomenuo hadis (do kraja).<sup>2</sup>

I rekao je, sallallahu 'alejhi ve sellem:

أمرت أن أقاتل الناس حتى يشهدوا أن لا إله إلا الله ، وأن محمدا رسول الله

***„Naređeno mi je da se borim protiv ljudi sve dok ne posvjedoče da nema niko pravo biti obožavan mimo Allaha (La ilahe illallah), i da je Muhammed Allahov Poslanik (Muhammedur-resulullah).”<sup>3</sup>***

Zbog toga je tevhid prva stvar s kojom rob ulazi u islamu, i posljednja stvar s kojom izlazi iz dunjaluka. Onako kao što je rekao Vjerovjesnik, sallallahu 'alejhi ve sellem:

من كان آخر كلامه لا إله إلا الله دخل الجنة.

***„Kome posljednje riječi budu 'La ilahe illallah' ući će u Džennet.”<sup>4</sup>***

On (tevhid) je prvi vadžib i posljednji vadžib, tako da tevhid je prva i posljednja stvar. Da, o muslimani! Uistinu, tevhid je od najvećih vadžiba. Tako da za roba najveća dužnost jeste činjenje Allaha Uzvišenog jednim. I predati mu se potpuno i iskreno, zato što je Allah Uzvišeni stvorio stvorenja samo zbog ovog.

<sup>2</sup> Sahih Muslim

<sup>3</sup> Sahih Buhari i Muslim

<sup>4</sup> Abu Dawud i el Hakim

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ \* مَا أُرِيدُ مِنْهُمْ مِنْ رِزْقٍ وَمَا أُرِيدُ أَنْ يُطْعَمُونَ

**“Nisam stvorio džinne ni ljude (ni zbog čega drugog), osim da mi čine 'ibadet. Ne želim od njih nikakvu opskrbu, niti želim da Me hrane.”** (Prijevod značnja, Ez-Zarijat, 56.-57)

Rekao je Ibn-Kesir, rahimehullahu te'ala: „Značenje ovog ajeta jeste da je On Uzvišeni stvorio robove, stvorio je robove da jedino Njemu čine 'ibadet (da ga obožavaju) ne pridruživajući mu ortaka, a ko mu se pokori nagradit će ga sa najpotpunijom nagradom, a ko mu se ne pokori kaznit će ga sa najtežom kaznom. I obavijestio je da On nema potrebe za njima, naprotiv, oni su siromašni i potrebni Njega u svakom njihovom stanju, stoga, On je njihov Stvoritelj i njihov Opskrbitelj.”

Zbog ovog tevhida Allah je spustio Njegove knjige:

الرَّكِتَابُ أَحْكَمَتْ آيَاتُهُ ثُمَّ فُصِّلَتْ مِنْ لَدُنْ حَكِيمٍ خَبِيرٍ \* أَلَّا تَعْبُدُوا إِلَّا اللَّهَ

**“Knjiga - učinjeni su presudnim ajeti njeni, zatim razjašnjeni od Mudrog, Obaviještenog: da nikoga osim Allaha ne obožavate.”** (Prijevod značenja, sura Hud, 11:1.-2)

Tj. spustio je ovaj Kur'an jasan i detaljno razjašnjen, radi činjenja 'ibadeta jedino Allahu, Koji nema sudruga. Rekao je, subhāneh:

تَنْزِيلُ الْكِتَابِ مِنَ اللَّهِ الْعَزِيزِ الْحَكِيمِ \* إِنَّا أَنْزَلْنَا إِلَيْكَ الْكِتَابَ بِالْحَقِّ فَاعْبُدِ اللَّهَ مُخْلِصًا لَهُ الدِّينَ

**“Objavljivanje Knjige od Allaha je Silnog i Mudrog! Mi smo ti zaista, Knjigu sa Istinom spustili - zato samo Allaha obožavaj, odan i iskren Njegovoj Vjeri budi!”** (Prijevod značenja, sura Ez-Zumer, 39:1.-2)

Tj. Allaha jedino obožavaj i ne pridružuj Mu sudruga, i pozivaj stvorenja na tome, i poduči ih da niko ne zasluži 'ibadet (biti obožavan) osim jedino On, i da On nema sudruga, niti Sebi sličnog niti rivala.

Zbog toga je rekao, subhāneh:

أَلَا لِلَّهِ الدِّينُ الْخَالِصُ

**“Čista vjera pripada samo Allahu!”** (Prijevod značenja, sura Ez-Zumer, 39:3)

Tj. ne prihvata se nijedno djelo, tj. ne prihvata se nijedno djelo, osim ukoliko počinioc iskreno to djelo učini radi Allaha Koji nema sudruga.

Rekao je Katāda u vezi riječi: **“Čista vjera pripada samo Allahu”**: „Svjedočenje da nema nikoga dostojnog obožavanja osim Allaha.”

Zbog tevhida je Allah poslao sve poslanike da bi pozivali robove u Allahovu jednoću, i da bi ih upoznali sa ovom velikom obavezom, koji su zbog toga i stvoreni.

Rekao je, subhāneh:

وَلَقَدْ بَعَثْنَا فِي كُلِّ أُمَّةٍ رَّسُولًا أَنْ اعْبُدُوا اللَّهَ وَاجْتَنِبُوا الطَّاغُوتَ

**"Mi smo svakom narodu poslanika poslali: 'Allahu činite 'ibadet, a taguta se klonite!'"**  
(Prijevod značenja, sura En-Nehl, 16:36)

Rekao je Ibn-Kesir, rahimehullahu te'ala: „Svakom narodu je slao poslanika, tj. u svakom stoljeću i svakoj grupaciji naroda slao je poslanika, a svaki od njih je pozivao u obožavanje Allaha i u zabranjivanje obožavanja nekog ili nečeg mimo Njega.” **"Obožavajte Allaha i klonite se taguta"**, tako da je Uzvišeni uvijek slao poslanike narodu sa ovim.

Otkako se dogodio širk kod sinova Ademovih, kod Nuhovog naroda, kod onih kojima je poslat Nuh, a bio je prvi poslanik kojeg je Allah poslao stanovnicima Zemlje, sve dok nije zapečatio (poslanstvo) sa Muhammedom, sallallahu 'alejhi ve sellem, čiji je poziv obuhvatio džinne i ljude na istoku i zapadu, a svi oni (tj. poslanici), kao što je Allah Uzvišeni rekao:

وَمَا أَرْسَلْنَا مِنْ قَبْلِكَ مِنْ رَّسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ

**"Mi prije tebe ni jednog poslanika nismo poslali, a da mu nismo objavili: 'Nema nikog istinski zaslužnog obožavanja osim Mene, zato samo Meni 'ibadet činite!'"** (Prijevod značenja, sura El-Enbija, 21:25)

Poslanici su, Allahovi robovi, zaista poslani zbog poziva u ovu veličanstvenu osnovu, tako da nema nekog ummeta od ljudi a da im nije poslat neko ko će uspostaviti Allahov argument nad njima pozivajući ih u Njegovu jednoću, dželle ve 'ala. Obavijestio je Uzvišeni da se da'va svih poslanika podudara oko ove veličanstvene obaveze, a sa ovom da'vom su svi poslanici počeli pozivati svoj narod.

Rekao je Uzvišeni: **"Mi prije tebe ni jednog poslanika nismo poslali, a da mu nismo objavili: 'Nema nikog istinski zaslužnog obožavanja osim Mene, zato samo Mene obožavajte!'"** (Prijevod značenja, sura El-Enbija, 25) Tako da je svaka knjiga koja je spuštена svakom poslatom vjerovjesniku; u njoj se kaže: Nema nikog istinski zaslužnog obožavanja osim Allaha. A činjenje Allaha Uzvišenog jednim, Allahovi robovi, je osnova za prihvatanje svih djela, a sva djela ovise o tome da li će biti prihvaćena i ostvarena ova veličanstvena osnova: 'ibadet Allahu jedinom, Koji nema sudruga.

Rekao je, subhāneh:

وَقَدِمْنَا إِلَى مَا عَمِلُوا مِنْ عَمَلٍ فَجَعَلْنَاهُ هَبَاءً مَّنْثُورًا

**"I Mi ćemo pristupiti djelima njihovim koja su učinili, u prah i pepeo ih pretvoriti."**

(Prijevod značenja, sura El-Furkan, 25:23)

Stoga, sva djela mušrika, onih koji obožavaju nekog drugog mimo Allaha Uzvišenog, na Kijametskom danu biće prašina raspršena, neće biti uzeta u obzir, niti će ikakvu težinu imati. Allah Uzvišeni je razjasnio svome Poslaniku, sallallahu 'alejhi ve sellem, razjasnio je ovu veličanstvenu stvar i rekao:

وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لَئِنْ أَشْرَكْتَ لَيَحْبَطَنَّ عَمَلُكَ

**"A doista je objavljeno tebi i onima prije tebe: 'Ako širk učiniš - tvoja djela će sigurno propasti i sigurno ćeš biti od gubitnika.'" (Prijevod značenja, sura Ez-Zumer, 39:65)**

Rekao je Ibn-Džerir, rahimehullahu te'ala: Kaže, subhāneh: „Ako Allahu nešto ili nekoga pridružiš, o Muhammede, tvoja djela će sigurno propasti, a s njima nećeš nikakvu nagradu dobiti, niti ikakvu drugu nagradu osim "nagrade" koja je za onog koji čini širk Allahu."

Rekao je, subhāneh, o vjerovjesnicima kada ih je nabrojao:

وَلَوْ أَشْرَكُوا لَحِطَ عَنْهُمْ مَا كَانُوا يَعْمَلُونَ

**"A da oni učine širk, sigurno bi propalo sve ono što su radili." (Prijevod značenja, sura El-En'am, 6:88)**

Rekao je Ibn-Kesir, rahimehullahu te'ala: Riječi Allaha, subhāneh: **"I Mi ćemo pristupiti djelima njihovim koja su učinili, u prah i pepeo ih pretvoriti."** „Ovo je Kijametski dan, kada Allah obračunava robove za ono što su činili od dobrog i lošeg, i obavijestio je da mušrici neće dobiti ništa od svojih djela za koja su mislili da će biti spas za njih, a to je zbog toga što su ona (tj. njihova djela) izgubila šerijatski uvjet: ili iskrenost u njima, ili slijeđenje Allahovog šerijata. Stoga, svako djelo koje nije iskreno i u skladu sa Šerijatom, ono je batil (neispravno). Stoga, djela nevjernika ne izlaze iz jednog od ovo dvoje, il' su sakupljena sa objema, onda bivaju još dalje od prihvatanja." Zbog toga je Uzvišeni rekao: **"I Mi ćemo pristupiti djelima njihovim koja su učinili, u prah i pepeo ih pretvoriti."** (Prijevod značenja, sura El-Furkan, 23)

Ovo je tevhid, Allahovi robovi! Ko ga bude u potpunosti ostvario, on će sa Allahovom dobrotom i milošću ući u Džennet bez polaganja računa, kao što je u oba Sahiha - njegove riječi, sallallahu 'alejhi ve sellem:

فَقِيلَ هَؤُلَاءِ أَمَتُكَ وَمَعَ هَؤُلَاءِ سَبْعُونَ أَلْفًا يَدْخُلُونَ الْجَنَّةَ بِغَيْرِ حِسَابٍ

**„Rečeno mi je: 'Ovo je tvoj ummet i sa njima sedamdeset hiljada, koji će ući u Džennet bez polaganja računa i bez kazne.'"**

Zatim je to pojasnio i rekao:



فقال هم الذين لا يتطيرون ولا يسترقون ولا يكتون وعلى ربهم يتوكلون

**„To su oni koji ne traže da im se uči rukja, niti se liječe vatrom i paljenjem, niti su sujevjerni, i oni se na svoga Gospodara oslanjaju.”<sup>5</sup>**

Allah blagoslovio mene i vas sa Kur'anom Veličanstvenim, i dao da se okoristimo od njegovih ajeta i mudrih savjeta. Kažem ovo što čujete - Allahu pripada sva hvala i na početku i na kraju!

Hvala Allahu na Njegovom ihsānu (dobročinstvu), samo njemu se zahvaljujem na Njegovoj podršci i dobroti. Svjedočim da nema istinski zaslužnog obožavanja osim Allaha, Jednog, Koji nema sudruga, veličajući Ga, i svjedočim da je naš vjerovjesnik, Muhammed, Njegov rob i Njegov Poslanik, pozivač ka Njegovom zadovoljstvu, neka je mnogo Allahovih salavata i selama nad njime, njegovom porodicom, prijateljima i braćom.

A potom:

Bojte se Allaha i budite svjesni da vas posmatra, pokorite Mu se i nemojte se prema Njemu griješiti.

يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ

**“O vi koji ste povjerovali, bojte se Allaha i budite sa iskrenima!”** (Prijevod značenja, sura Et-Tevba, 9:119)

Allahovi robovi! Najveća sura u Allahovoj Knjizi, ona koja obuhvata tevhid, je sura El-Ikhlās. A najveći ajet u Allahovoj Knjizi koji obuhvata Njegovu Jednoću (vahdanijjet) je ajetu-l-kursijj.

Boravio je Vjerovjesnik, sallallahu 'alejhi ve sellem, poslije njegovog poslanstva u Mekki, pozivajući u tevhidullah deset godina, nije pozivao u ništa drugo mimo toga, zatim su mu šerijatski propisi jedan za drugim dolazili, pa je pozivao u njih zajedno sa tevhidom sve do njegove smrti, pa bi tokom jutra i večeri govorio:

أَصْبَحْنَا عَلَى فِطْرَةِ الْإِسْلَامِ ، وَكَلِمَةِ الْإِخْلَاصِ ، وَسُنَّةِ نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ ، وَمِلَّةِ آبَائِنَا إِبْرَاهِيمَ حَنِيفًا مُسْلِمًا وَمَا كَانَ مِنَ الْمُشْرِكِينَ.

**„Osvanusmo u fitri islamskoj, i u riječi iskrenoj i vjeri našeg Vjerovjesnika Muhammeda, sallallahu 'alejhi ve sellem, i u vjeri oca našeg Ibrahima, pravovjernog, muslimana, i koji nije bio od mušrika.”** (Prenosi Ahmed)

<sup>5</sup> Sahih Buhari

Započinjao bi dan sa tevhidom, na dva rekata sabahskog sunneta bi učio (ove) dvije sure: El-Kafirūn i El-Ikhlās, i završavao bi sa tevhidom čitajući na šef'u i vitru suru El-Kafirūn i El-Ikhlās, a ovo je preporučio i svome ummetu.

Došao je neki beduin Vjerovjesniku, sallallahu 'alejhi ve sellem, i reče mu:

يا رسول الله أخبرني بعمل يدخلني الجنة

**„Uputi me na djelo zbog kojeg ako ga budem činio ući ću u Džennet!“**

Reče, sallallahu 'alejhi ve sellem:

تعبد الله لا تشرك به شيئاً ، وتقيم الصلاة ، وتؤتي الزكاة ، وتصوم رمضان

**„Obožavaj samo Allaha i nikoga Mu ravnim ne smatraj, obavlja propisane namaze, izdvajaj propisani zekat i posti (mjesec) Ramazan.“** (Muttefekun 'alejh)<sup>6</sup>

I naređivao bi svojim ashabima da mu dadnu prisegu da obožavaju samo Allaha Jedinog. Rekao je 'Auf ibn Malik, radijallahu te'ala 'anh: Bili smo kod Allahova Poslanika, sallallahu 'alejhi ve sellem, potom reče:

أَلَا تُبَايِعُونَ رَسُولَ اللَّهِ؟

**„Zar nećete dati prisegu Allahovom Poslaniku?“**

Rekosmo:

قَدْ بَايَعْنَاكَ يَا رَسُولَ اللَّهِ فَعَلَامَ تُبَايِعُكَ؟

**„Za šta da ti damo prisegu?“**

Reče:

عَلَى أَنْ تَعْبُدُوا اللَّهَ وَلَا تُشْرِكُوا بِهِ شَيْئًا ، وَالصَّلَاةِ الْخُمْسِ

**„Da obožavate samo Allaha i da Mu ne pridružujete ništa, i pet dnevnih namaza.“**<sup>7</sup>

A kada bi slao pozivače po gradovima, naređivao bi im da počnu poziv sa tevhidom, a kada bi mu došla neka delegacija, prva stvar kojoj bi ih podučio bila bi tevhid.

Dode mu delegacija 'Abdu-l-Kajsa, pa im reče: **„A da li znate šta je to iman u Jedinog Allaha?“** Rekoše: **„Allah i Njegov poslanik to najbolje znaju!“** Reče: **„Svjedočenje da nema nikoga**

<sup>6</sup> Tirmizi koji ga je ocijenio kao hasen sahih

<sup>7</sup> Sahih Muslim

**dostojnog obožavanja osim Allaha i da je Muhammed Allahov poslanik.”** (Hadis prenosi Buharija)

A tevhid je Allahovo pravo kod Njegovih robova. Rekao je, 'alejhi salatu ve selam: **„O Muaze, znaš li koje je Allahovo pravo kod Njegovih robova?”** Reče: **„Allah i Njegov Poslanik to najbolje znaju!”** Reče: **„Allahovo pravo kod robova je da Ga obožavaju i da Mu ništa ne pridružuju.”** (Muttefekun 'alejh)

A tevhid, Allahovi robovi, približava roba ka Džennetu i udaljava ga od Vatre. Došao je neki beduin Vjerovjesniku, sallallahu 'alejhi ve sellem, i rekao: **„O Allahov Poslaniče, obavijesti me o tome što će me približiti Džennetu i udaljiti od Vatre?”** Pogleda Allahov Vjerovjesnik, sallallahu 'alejhi ve sellem, prema svojim ashabima a zatim reče: **„Uspio je”,** ili reče: **„Upućen je.”** Reče: **„Kako reče?”** Pa ponovi (pitanje). Pa Vjerovjesnik, sallallahu 'alejhi ve sellem, reče: **„Da obožavaš samo Allaha i da Mu ne pridružuješ ništa; da obavljaš namaz, da udjeljuješ zekat i da održavaš rodbinske veze.”** (Muttefekun 'alejh)

Nema sreće na dunjaluku i ahiretu osim sa tevhidom - činjenjem Allaha Uzvišenog jednim. Rekao je, 'alejhi salatu ve selam: **„Recite la ilahe illallah, uspjete!”** (Prenosi Ahmed)

Kome bude završetak na ovome - ući će u Džennet! Rekao je 'alejhi salatu ve selam: **„Kome posljednje riječi budu 'La ilahe illallah' na samrti - ući će u Džennet.”** (Prenosi Muslim) Stoga, ko umre na ovome ući će u Džennet i biće spašen od Vatre.

Rekao je, 'alejhi salatu ve selam: **„Ko god sretne Allaha, a ništa Mu nije pridruživao – ući će u Džennet. A ko god Ga sretne, a pridruživao Mu je nešto – ući će u Vatru.”** (Prenosi Muslim)

A djela muvehhida se stepenuju zavisno od onoga što je u srcima od imana i iskrenosti, a najdraža stvar koju posjeduje musliman je njegov tevhid – činjenje Allaha jednim, i (to je) stvar koju najviše treba čuvati od ništavnosti, ukaljanosti i od krnjavosti.

Allah, 'azze ve dželle, je objavio svojim poslanicima da ukoliko se dogodi da neko od njih upadne u širk, njihova djela će biti poništena, a šta reći za one mimo njih?!

Rekao je, dželle ša'nuh:

وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لَئِنْ أَشْرَكَتَ لَيَحْبَطَنَّ عَمَلُكَ

**“A doista je objavljeno tebi i onima prije tebe: ‘Ako širk uciniš - tvoja djela će sigurno propasti i sigurno ćeš biti od gubitnika.”** (Prijevod značenja, sura Ez-Zumer, 39:65)

Zbog ovoga se bojava Halil (Allahov prijatelj Ibrahim Op.prev.), 'alejhi-s-salam, (tj.) od širka, dovio je svome Gospodaru dok je gradio Kabu:

وَاجْتَبَنِي وَبَنِيَّ أَنْ نَعْبُدَ الْأَصْنَامَ

**„I sačuvaj/udalji mene i sinove moje od obožavanja kipova.”** (Prijevod značenja, sura Ibrahim, 14:35)

Pa ako se Halil, 'alejhi-s-selam, bojao po sebe širka, pa drugi mimo njega su daleko preči.

I podučavanje svojih sinova 'aslud-dina (osnove vjere), i njihovo stalno pitanje o njemu, je staza poslanika, 'alejhimu-s-selam. Ovo je Ja'kub, 'alejhi-s-selam, koji prilikom ispuštanja duše pita svoje sinove o njihovom tevhidu:

أَمْ كُنْتُمْ شُهَدَاءَ إِذْ حَضَرَ يَعْقُوبَ الْمَوْتُ إِذْ قَالَ لِبَنِيهِ مَا تَعْبُدُونَ مِنْ بَعْدِي قَالُوا نَعْبُدُ إِلَهَكَ وَإِلَهَ آبَائِكَ  
إِبْرَاهِيمَ وَإِسْمَاعِيلَ وَإِسْحَاقَ إِلَهًا وَاحِدًا وَنَحْنُ لَهُ مُسْلِمُونَ

***"Zar ste bili svjedoci kad dođe Ja'kubu smrt, i kada reče svojim sinovima: 'Šta ćete obožavati iza mene?' Oni rekoše: 'Mi ćemo obožavati tvoga Boga, Boga tvojih očeva (predaka) Ibrahima, Ismaila i Ishaka, Boga jedinoga i mi smo Njemu odani (muslimani).'"***  
(Prijevod značenja, sura El-Bekara, 2:133)

A naš Vjerovjesnik Muhammed, sallallahu 'alejhi ve sellem, pita malu robinju: ***„Gdje je Allah?”***  
Reče: ***„Na nebu.”*** (Prenosi Muslim)

Rekao je šejhu-l-islam Muhammed ibn Abdulvehhab, rahimehullahu te'ala: *„Najbitnija stvar za tebe jeste spoznaja tevhida prije spoznaje svih (ostalih) 'ibadeta, čak i (prije) namaza, a spoznaja širka je prije spoznaje bluda i ostalog od muharremata (zabranjenih stvari). Kada budeš znao da te Allah nije stvorio osim zbog toga (tevhida)... A od nužnih obaveza jeste da podučavaš tevhidu svoje ukućane, i one koji su pod tvojom rukom od žene, kćerke i slugu.”* Zatim je rekao, rahimehullahu te'ala: *„Prva stvar s kojom si obavezan jeste tevhid, kada budeš znao da je ovo glava prve obaveze, pobrini se za spoznaju tevhida, sa nadom da ćeš obaviti ovu veliku obavezu s kojom te Allah obavezao, i brini se o spoznaji širka - pridruživanja Allahu sudruga, sa nadom da ćeš spoznati najveću stvar koju ti je Allah zabranio.”* (Kraj njegovog govora, rahimehullahu te'ala)

Bojte se Allaha Uzvišenog o muslimani! Vrijednujte i cijenite ovaj veličanstveni 'ibadet koji je velikog položaja i važnosti, jer, uistinu, on je ključ uspjeha i vrata sreće na dunjaluku i ahiretu, naučite ga i radite po njemu, i nemoj te ga nepoznavati, jer nema opravdanja za nikoga ko ostavi tevhid, a, uistinu, ostavljač tevhida je nevjernik po idžma'u (konsenzusu) muslimana.

يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ

**O vi koji ste povjerovali, bojte se Allaha bogobožnošću koju zaslužuje i ne umirite osim kao muslimani!** (Prijevod značenja, sura Alu Imran, 3:102)

Allahu, podari svoj salavat Muhammedu i porodici Muhammedovoj, kao što si podario Ibrahimu i porodici Ibrahimovoj, Ti si, uistinu, Hvaljeni i Slavljeni. I podari bereket Muhammedu i porodici Muhammedovoj, kao što si podario Ibrahimu i porodici Ibrahimovoj, Ti si, uistinu, Hvaljeni i Slavljeni.

Prijevod: Midhat T. Kalender